

Chant e musica han lunga tradiziun en il Grischun

(anr/gc) Chant e musica han ina lunga e viva tradiziun en noss Chantun – sco quai ch'i resorta era da la novissima ediziun da la Terra Grischuna (II/2011). Entschavi hai cun la Cantoria a la catedrala a Cuira, pia cun la musica sacrala Fitg baud hai alur era dà il chant profan. En il 19. tschientaner èn chors virils e societads da musica sa furmads en grond dumber. Ed oz datti era – onn per onn e prest en mintga vallada – festivals ed emnas da chant e musica.

Ina contribuziun renda attent ch'ins possa far musica in pau dapertut e mussa era quai concretamain. – Ils Rumantschs sajan enconuschents e renconuschids per lur bellezza chant. Specificamain vegn quai mussà cun il svilup dal chant en Surselva, preschenta cumpetentamain dad *Ignaz Cathomen*. Qua haja igl era entschavi cun il chant da baselgia e cun il temp dà ordlonder blers chors. Lur nivel saja aut. Ins na survesa dentant betg il privel per lur futur pervia da mancanza da chantadurs ed era da dirigents.

La musica populara è fitg liada cun l'engaschi da tschertas famiglias, uschia tar Ils

Fränzlis da Tschlin e la musica da chasa da la famiglia Kollegger. Remartgà vegn era che numerus e renumads cumponists deriv-*Antoni Derungs*. – Per ritmus e blera dinamica procuran ils tamburs da Domat. Els han lur origin en ils servetschs esters e tar la ba-

selgia, s'audan simplamain tar la cultura da Domat e gjaudan buna reputaziun en Svizra.

Fitg interessants detagls intervegnan ins era dad il «docter d'instruments» che procura tras revisiun professiunala che quels tegnan e funcziuneschan anc ditg. – Far musica s'auda

era tar la scola ed en noss Chantun datti pliras scolas da musica. Allegà vegn ch'ins haja cuntanschi cun il dialect grischun dapi 10 onns la parada da hits.

Omagi vegn rendi a professor Alfons Maissen che ha rimnà e registrà durant

plirs decennis chanzuns popularas rumantschas. Ussa vegn l'entir ritg relasch da 1500 manuscrets cun notas e 5800 portatuns inventarisà e commentà e tut fatg accessibel online sin la banca da datas.

Tar visita a la chasa da Mili Weber en il guaud a San Murezzan chattan ins ina pictura da respect per la creaziun e vers la natira. – In sentupada datti era cun *Jordi Ricciardi*, il fundatur iniziativ dal teater per la giuventetgna a Tavau. – Plinavant s'inscuntran ins era cun perditgas da crap da l'agricultura sur il cunfin dal guaud en il Grischun dal sid. L'autura numna quai ina cuntrada culturala mobigliada. Descrittas vegnan plinavant veglias locomotivas. – Ina vista grondiusa – tar ina tura da skis – han ins davent da l'Um-su, sur Lumbrein, sin l'entira Val Lumnezia.

Quai ed anc bler auter stat en la nova e zunt variada ediziun da la Terra Grischuna che sa preschenta – sco adina – fitg plaschaivlamein cun sias contribuziuns era bain illustradas.



La Ligia Grisca alla Fiasta da chant da 1870 a Neuchâtel.

MAD